

## — 399 —

manen mit ir briefen, oder mit botten, alle, oder die in denne bekomenlich vnd nüg darzuo werint. Vnd füllen och die denne, als fürderlich, vnd als nüglich bi dem eide, darzuo beholfen sin, als si vf ir eide erkennen, daz si darzuo tetent, als ob es ir herschaft vnd si selber angienge, vnd in von derselben herschaft gebotten weri. Ist och, daz dehein stat in disen phlegnisse gelegen, die sich nüt verbunden noch ir offen besigelten brief geben hetten, diß verbuntnisse ze vollesfürende, angriffen, oder von icman geschadiget würden, den füllen wir die vorgeanten drie stette nüt schuldig sin ze helffende. Wurden aber die vorgeanten stette alle, oder etliche vnder inen, der vorgeanten drien stetten, angriffen oder geschadiget, von der egenanten vnser herschaft stetten deheiner, in den vorgeanten phlegnisse gelegen, die sich nüt verbunden, noch ir offen besigelten brief geben hetten vmb diß verbuntnisse, des füllen wir inen vor sin, vnd in vf si beholfen sin, wenne si vf den eit erkennen, daz si inen vnrecht getan hant, vnd wir darvmb von inen gemant sint, würden och wir oder die an vnser stat phlegent deheineß von den vorgeanten stetten allen, oder deheiner vnder inen gemant, ieman anzugriffende, der si geschadiget hette, vnd wir die vorgeanten amptlute, bede, oder einer der denne gemant weri, sich erkante, daz er ir helff darzuo bedörfte, so füllen si vns ze helffe komen, als si bi iren eiden erkennen, daz iren eren wol anstande, vnd darzuo bescheidenlich si vnd evch nüg. Dvch sol die vorgeante vnser herschaft von Desferich, derselben drier stetten burgere, lute vnd guot, in andern iren landen vswendig den vorgeanten vnsern phlegnisse schirmen vnd fristen, als ire lute vnd burgere ane alle geuerde. Wir die egenanten amptlute vnd phlegere han och gelobt vnd geloben an disem briefe, bi vnsern eiden die wir darvmb sündliche zen heiligen getan hant, daz wir bede, oder deweder vnder vns geendert oder verfert von vnsern phlegnisse würden, die vestinen die vns befolhen sint, niemer von vns gassent, noch och niemer keinem andern amptman, der an vnser stat gesezet wurde in geantwurtent, er habe denne vor